

白華絳柎閣詩集

猗縵堂集

會稽

李慈銘

原名模

悉伯

小字尊客

白華絳柑閣詩王

古今體八十六首

行藥獨步山後至王公池古西園也

以下已已

病暍久不出門前秋草長循巷覓微徑
宿雨猶霑裳臥龍何宋宋山下多白楊
緬晉西園盛穿池疏芳塘盈盈采蓮伎
蘭舟曜紅妝向晚笙歌發燈燭彌崇岡
盛衰理難恃積垣生枯桑時會愔易逝
愚者昧其常我來亦暫爾乍晴忻微陽
接目適有會何地非濠梁搖搖稻田葉
風來自生香穡事豈不懷情耕媿邨
毗晻晻遠山夕餘映開秋光城郭互
虧蔽萬態攝紫蒼平野氣漸斂薄雲

導微涼羣飛亂精列悲鳴感蜚蜚元化急遷遞志士情
以傷曳杖闔扉入擁樹吟清商

己巳暮秋偕仁和陳藍洲秀才

豪

錢唐張子虞孝

廉頂游靈隱寺送登韜光絕頂二首

錢唐富山水茲峯最稱奇自入春淙亭夾道吹林漪傾
崖翠若溜空岫雲常飛丹紫倏萬變欽寄窮千姿我來
已秋暮蒼鮮如春時喬柯接層嶂隙葉穿晴曦選勝結
茲寺山門涵清暉倚闌澹相對目眩神屢移漸覺泉瀉
磴時聞猿度枝嵐影墮空砌落葉相參差

入寺穿徑行言取張光頂路曲循修林磴仄拒晝景時
見飛泉光倒瀉松竹影雲深轉益奇嶂削抱遯覩丹梯

有時窮招提絕人境幽森得茲曠鐘磬上方靜危戶倚
虛亭飛鳥不敢逞遠帶江海流靄然出諸嶺天光淡無
際收以一窗迴隱隱潮聲來烟中度漁艇

初冬攜舟至平水谿口由望仙橋入寶嚴寺夜宿

澄公房二首

扁舟出東郭沿綠耶谿間水盡白雲起遂入雲門山紅
樹疊青嶂明妝耀螺鬟遠近含層霞深淺分寒烟峯陡
勢欲落飛翠忽復連曲澗蔭幽篠魚鳥媚我前時逢采
機侶踏葉相往還山迴寺門出夕陽終古閒

雲門外六院茲地據丹麓入門仍見山古蘚一庭綠松
陰颭雙旛經壇散鑪馥龕石棲寒花廚烟出深竹頗憶

湛然師塵錫參道俗先賢習元悟往往寄高躅

此寺自陶文簡

與湛然結方外之交其後祁忠惠祁止祥王季重家太若先生常往來寺中國初趙逸民旬遂隱迹于此與王白岳等解雲禪房畱定雲蒲褐此間宿茶火伴夜深門十大弟子

山志靜可讀

寺有雲門志亦曰顯聖寺志趙逸民所誤

天風搖殿鈴時聞暗

泉續

懷曉湖二首

不見忽三月相思如水深殘年愁雨雪清夢足山林詩

艸今增幾除書信又沈閉門貧亦好知爾歲寒心

南望長湖曲寒林萬疊山邨墟流水近門巷夕陽閒壽

母扶筇笑山妻拾橡還西頭新釀熟一笑解塵顏

昨夜方作詩懷曉湖有除書信又沈之句今日閱

邸鈔知十月末已選得浦江訓導矣更賦一詩

柬之

老得東州八品官眼前差自慰飢寒浦陽人物今餘幾
博士生涯亦大難一水欣看程不遠高堂應爲飯加餐
詩成剛報除書至定有香分苜蓿盤

昨詩成未寄今日得曉湖書報除官事因更賦一

詩并寄之

兩日詩成書未寄打門忽報有書來始知文字關神契
喜對妻孥舉酒杯貧賤知交同骨肉山林搖落惜人才
皋比一坐堪安隱塵世如今口莫開

得慎齋義烏書惠十金爲卒歲之謀賦謝二首

東頭借屋寄閒身，卒歲蕭然自耐貧。
長享豎儒三韭饌，忽叨知己一流銀。
文章豈謂能求友，衣食須知攢擇人。
慙媿束脩供換酒，史雲塵釜頓生春。

瘦羊博士近何如，聲息相聞百里餘。
官舍弦歌消夜永，山城桃李入春初。
周簪自足三鱣養，徐淑新傳尺鯉書。
會看冰開歸櫂動，一鐙花雨樂閒居。

庚午人日風雨訪曉湖壽勝山居飲梅花下作
以下庚午

入春七日無醉處，扁舟訪君入山去。
天公妒人風雨橫，破帽衝寒欲迷路。
到門屈曲谿港交，隔山烟靄來如潮。
長髯躡屨喜報客，凍雀驚臬松林梢。
君家兄弟清似鵲。

奉母閒居備清福獻春伏臘百不憂花下百缸酒新熟
黃楊過盡兵火年人生得飽無愚賢醯雞禪蝨亦天地
鳳皇飢死人誰憐三載同君客京邑憂亂傷離過時節
梅花如雪湖山寬誰想今朝作人日白雲繞屋竹繞川
門前蔬麥千畦田承平再見民物盛豈必吾有方欣然
君今被檄往司鐸余亦仍營一囊粟浦陽春水滹沱冰
明歲應思今日樂

人日晚泊柯山大風中著屐至巖中看梅花

日暮停舟探野梅醉披風帽入巖隈落英過雨綠籬慘
凍萼催春近水開天外遠香傳洞壑暝邊雪色見樓臺
閒情爲語山中客人日題詩紀我來

孟春下旬偕曉湖慎齋孫生

星華

妹夫鄭愷

季弟

惠銘

游蘭亭時邑令楊君新輯流觴亭右軍祠

載酒來尋蘭上里依然勝賞屬山池衣冠舊事三春禊
巖壑新妝六代詩天際晴雲歐冶竈竹間斜日右軍祠
費他曲水邯鄲步豈有清流似晉時

偕諸子游天章寺

廿載題襟選佛場

癸丑歲偕孫子九陳荃謏徐寶意周雪甌王孟調等舉秋課于此

重

來劫火認蒼涼亂雲穿壁全遮屋翠蘚封階欲上堂鶴

影荒山悲舊侶

徐陳王周諸君皆早逝

鵲啼古穴間空王

冬青穴遺址久

泯院田已盡鐘聲歇老衲編籬話夕陽

後十日再游蘭亭

俯仰已十日騎驢重入山林泉生古色風日眷塵顏高
詠何人繼浮雲與世閒只今亭下水鳴咽幾時還林霽
山詩
千載蘭亭鳴咽水不知真帖
落誰家爲宋六陵遺蛻作也

春曉登越王崢嶸深雲寺歐兕尊者道場復登大

尖山游靈巖寺作三首

夜眠九曲烟晨泊棲山足筍躡昇我行清暉不可觸仄
岸滴朝露層坡絢晴旭斗上嶺百盤危梯插山腹人家
依竹樹簷雷接飛瀑忽見松陰明江光納林曲餘暨連
錢唐峴峴辦川陸頻視羅羣峯千鬟啟新沐倒捲成波
濤百里瀉一綠何人結洞居白雲就之宿

霸圖久已歇箐深盤馬岡鐘鼓始何代絕巘開道場尊

者根淨諦蒲團作洞房披緇便示宋了了空花香結跏
趺蜺影下界現妙光斷羸游澗池棄筍搖風篁我來證
清梵泉聲響空廊茶香出深磬雲斷天風長不見五千
楮盡化松與樟

西望挹大尖拔地若花跗循嶺縱幽探山氣盡奔注下
折窮宛延上躋絕揆埵起伏爭孤堂勢縮不能住轉險
屢睥眈奪隘互迎拒岫展得寺門危峯隱檐宇石壓經
樓青潮生殿鈴語天風吹山桃紅墮下方穀腳下萬綠
騰不見來時路

舟行湖塘邨

又攜畫舫過湖塘風物依然愛此鄉山界平橋分翠靄

樹依小市占斜陽沿隄花氣通人語隔岸松風引酒香

頭白艸堂終未就頂峯腸斷隴雲蒼

丙辰丙寅兩奉先太恭人卜居皆

未遂

春日雨後曉湖校亭兄弟招同季弟彥僑游曹谿

水石宕訪陶文簡書樓步憩空明菴登吼山絕

頂觀棋枰石試雲石泉返泊繞門山作七首

急雨及農歇佳客攜蘭舟沿緣樊江口邨落涵清幽漸
覺谿港窄層崖束以稠翠麥繞修磴巖腰眠牯牛花浮
石上泉煙開松際樓迴看茅屋上時有春雲流

青石卓面開洞門訝而闢舟石故相讓水流與爲折泓

然得空潭四照展深碧師象誰爲名

洞有師山象山皆肖石形奇想

絕人力危梁拗虹環蟲嶼斷雲立巨魚時一躍康賓響
廖慄

祭酒習儒墨餘事能詩篇虛樓躡曩迹清風生我前想
見倚闌坐繙經映深淵危言爭國本沖襟游緇禪奈何
東林徒指爲朱李傳苦柅作相路遂令邱嫂專

舍舟更登岸繞足田水聲畦盡得竹徑山扉含煙呈入
門萬石立中養方池明一峯挂飛瀑下激松風鳴流湍
界敞廊危屢震虛竈雛尼誦經罷花落游魚行

幽尋陟其遐及顛必由趾飛泉夾磴來屐滑不可齒踞
凸結僧广嶽崎映清泚海氣明佛面雲影度幢址一石
笠而敲纖趺竦孤峙上洒俯百尋時時落松子

曦午暢晴眺身外無高岑東望絕海際天水何沈沈陶

偁兩山名

僅坵垤蛾眉分修陰平楚交遠風白雲相淺深

塵目亦已歷嗽泉清我心回舟弄茶火石翠紛衣襟

厓厓繞門山勢與犬亭續萬夫不停斤窮奇鏤崖腹醜
媚非一名餘力破坤軸上侈礙鳥飛中屢度雲宿藤蘿
絡夕陽下飲古潭綠安得攜素心因厂各爲屋

胡梅卿比部

壽謙

梅仙駕部

壽願

兄弟約上己日

修禊蘭亭舟至木客山以日莫風雨失期歸後

賦柬兩君

上已期佳客攜尊水石間屐聲穿樹靜驢影過橋閒莫
雨蘭亭渚春雲木客山停舟雨延伫寂莫載詩還

雨中自木客山出何山橋過湖南岸馬太守祠作

三首

木客行吟地雲深鳥自呼樹連伯翳廟

山有百蟲將軍廟祀伯益土人

呼翳

山入允常都遠岫多銜屋輕煙不滿湖人生能著

屐莫惜酒錢無

十里偏門路邨居勝似仙林霏生野寺橋路入谿煙鳥

轉新寒食人耕好墓田綠蕪風雨裏花滿罨泥船

不見長湖曲猶傳太守祠朱扉含暝色春水異晴時山

影多連郭谿聲自入池信辭無謝范青史至今疑

太守事謝

范後漢書皆未載

雨泊鳳皇山下石泉菴

雨過春郊淨荒菴小泊船山形團似屋邨瀑亂於煙水
綠全歸樹橋明遠界天青黃誰著色繡徧鏡湖田

游瀛渚寶壽寺自甲寅之冬偕孫子九來此及今
十七年寺屋半焚院之主僧已歷三世矣悵然
成詠并懷子九汀州

峰迴嶂抱碧谿流雲鎖山門路倍幽新雨翠浮松裏徑
夕陽紅補竹間樓舊時題句僧誰記劫後鐘聲佛自愁
爲念孫因今作客可傳清夢到汀州

莫春過亭山下弔明詩王樸翁蛇巖及其女孀
屏墓

雲繞春山水繞亭小蓉城畔草青東風三月詩人墓

華表千年處，土星醕酒無人來。下馬枕松有女，尙傳經湖邊多少閒桃李，不敢飛花近檠屏。

項里山行

山有清谿十八橋

曲曲清谿路，敲橋帶小邨。水聲喧雜雨，樹色重連雲。茶火綠僧舍，山花紅墓門。幾時飭先壘，築屋繞松根。

先考墓

中山

春晚至柯巖坐理詠窩中梅陰滿庭欣然顚四絕

句於壁

生結梅花冷淡盟，年年山信負流鶯。多情畱得清陰待，照我林間弄扇行。

翠幄愔愔積雨餘，二分籬落稱蕭疏。閒房似水林香靜，

好借山窗讀道書

曲磴高低襯碧苔紅闌斜靠螭牆隈繡球花落泥痕細
知是何人印屐來

風吹水檻自生涼簾捲雲深日倍長多約山僧來結夏
一蒲團裏聽鑪香

莫春至馬山澄湖埭上外王父母塚感賦

廿里澄湖埭重來似夢中田園春晚色耕讀外家風樹
密邨居靜雲開海氣通自慚虛宅相頭白尙飄蓬

秦澹如都轉屬題其尊人小峴司寇蘇祠落成圖

錫山使君今吏隱謁來示我蘇祠圖爲言侍郎昔莅浙
手闢精舍西湖隅祠成潔齋薦俎醴歲時文詠相嬰娛

陳生續圖紀佳事湖山點綴霜天疏浚經兵火燬祠屋
此卷亦逐煙雲徂時清神物竟還璧恍若世寶陳璫璵
西湖持節繼前美靈祠重展榛荆區侍郎遺愛比玉局
祖孫配食良非誣蘇祠西偏舊祀淮海今復以侍郎附盛衰遷轉系名德
展圖追昔重嗟吁 睿皇之初世極治浙西繁富陵京

都長吏政成事多暇提唱風雅聯簪裾儀徵相公秉節
鉞首祀許鄭開精廬幸有侍郎作同志徵文考獻情無
殊要知興造主觀感非特文字資規模祇今民氣未蘇
復正藉司牧勤嘘枯卽指斯圖證今昔樓閣十九成邱
墟老封幾聞捲宿草穉楊未見搖春株自來吏治尙儒
雅豈彼俗學堪追趨使君繡衣秉家法行見萬物成昭

蘇梁谿大好暢園里未容歸櫂尋純鱸歲寒巖畔老梅
發寒泉一曲仙所居通門百代有宿契年年生日陳山
蔬紫衣末坐預鶯笛從君迎神舞巴渝

秋日偕麋卿耆仲兄弟出錢唐門緣六橋上靈隱
坐冷泉亭觀飛來峰遂歷三竺至上寺還憩湖

上蘇公祠作五首

秋暑尙未已金飈扇微清出城未一里照眼湖光明危
橋控叢綠壞塔堂孤晴小艇賣葦去時亂鷗鳬行
竹徑入樓霞宛延赴靈鷲到寺萬慮澄山門展雲岫清
風接柯陰溼翠導泉竇空亭不見人鐘聲墮松飈

我觀飛來峰微妙固難說嵌空眾相具陰森萬靈接松

風偶一鳴洞壑遞清慄倒植藤蘿根千朵綠雲立
盡勝慙三竺路與秋雲平巖桂徧作華夾徑香風生鎧
煙絢霞景鉢池洗秋晴下界拾嵐翠微聞清磬聲
疏筍就山飯天風送籃舁蒼然滄湖曲言就坡仙居晚
荷紅未歇娟娟出深蘆清游良不易眷此秋陰初

予弟仲肅四十生日勛以詩五章爲壽

初秋氣始肅我客杭城隅遙念故山麓賃廡西頭居典
衣作生日飭盤陳瓜蔬僂觴乏佳客雞豚頗充閭戶小
不能飲濁酒常滿壺青山潛相對繞屋多槐榆倚樹讀
書罷時時耦機渙

我生牛兒年汝生歲在卯肩隨相嬉戲亦或競梨棗趨

庭無愛憎入塾齊拙巧韶景不自珍侵尋及衰老蹇途
歷百屯力學艱一飽文章養性命藉此薪耆考道腴氣
不餒黃髮庶可保

我祖三十六我父增兩齡先人秉強固中道悲委形叔
弟更朝露顧影凋原鵠汝也生三子先後還浩冥感念
門祚薄懔茲蒲柳零彭殤豈有常恃弗嬰吾甯世促舊
德永飢寒遺經積善理非爽祝汝長添丁

白傅年卅九作詩傷歲莫厥後躋大耋林泉養沖素人
生無堅脆貴能安所遇我病與年長汝弱亦逾故精力
殫自飭質敝神可駐流水與戶樞豈見有腐蠹鄙哉導
引言奚識達生趣

庚申汝三十我困居春明作詩欲壽汝憂憤終不成今
幸共鄉國帶水偏盈盈連牀夜來夢惜此風雨聲弟生
七月二十四日今年此夜風雨極狂聚散豈自主惟期心志貞我行營薄
宦汝宜勤治生先業得稍理南湖各歸耕茅堂一尊酒
償此離闊情

庚午書事二首

孤憤千秋在狂呼一擊中夷酋方喪魄廷議急和我殲
敵誠非易要盟豈有終宋金殷鑒近幸莫恃成功
華夏瞻山斗安危仗老成出師良有待執法太無名竟
墮纖兒術難全義士生虛傳持重議晚節付公評

題家藏趙希遠

伯驥

仙山樓閣圖長卷

和州兄弟南班英早侍光堯驂玉京差似有唐大小李
北宗獨擅丹青名此圖肇自董源筆界畫精嚴衛賢出
千里曾有畫本傳難弟揮豪復無匹研絹橫掃三丈長
翠瀾四繞山中央樓閣萬重隱山出雲霞欲動琪花香
紅磴碧巒各開徑星冠羽裳自輝映金支鸞鶴王母輶
翠水芙蓉玉華鏡豪端縹緲如有神丹梯鈎絡銀漢紋
上追巧算郭監簿下開絕藝王孤雲我披此圖重太息
思陵游執情何極不畫千門艮嶽宮卻寫神山海中色
幅末有小楷五字

云臣伯驥恭進

集英殿屏天慶宮弟兄承旨雙策功

桃源一圖不可見獨畱此卷窮溟濛

千里當續集英殿屏風爲高宗御賞

希遠嘗奉敕續天慶觀樣又嘗畫桃源圖後有高

玉軸

宗御書淵明詩文眞蹟見文休承嚴氏書畫記

縑囊號珍祕句曲雲林有題字

後有倪元鎮張伯雨題詩無跋

二百年

來歸我家神物護持幸無墜方壺員嶠無滄桑羽陵片

簡楹中藏何時延津兩劍合還問吾家清樾堂

千里仙山樓閣

圖明時嘉興李氏清樾堂汪氏凝霞閣皆有藏本見汪水玉珊瑚網

庚午九日曹山宴集夜飲秦氏娛園分韻得千字

佳游貴選日茲晨尤所專盍哉促秋駕延伫娛清淵曹
山富奇景栖寄多高辛及爾共霞契泉石相迤緣仄磴
劣筇拄竅壑窮舟穿碎石埒花落適峰學雲岵灌脾幾
今古餘力爭彫鐫舒席據經閣水流松樹顛塵襟頓以
滌聞觀心爲宣乘高縱遐討層谷何裕裕西巖墮餘映
川光戀微煙晝短繼華燭商歌發明筵人生多哀樂雲

物隨變遷朝菌壽旦暮大椿歲八千達識非有覲榮名
能自堅作詩諗同志無爲捐盛年

冬莫偕族兄弟夜飲梅山寺

有序

晚烟銜郭寒月出林羣季畢來孤櫂始發沿上
柴下柴之曲絕東灘西灘之流人語隔杙水色
浮慘港激折而漸暝墟落寂而入幽有山翼然
卓立烟際松栝四翳中見寺門佛鐙射船山僧
候岸壺榼在擔茶笙鸞鐺庭廡靜深鐘魚俱歇
時則予弟蘭如光祿竹樓訓導以予將北行治
具言別借行廚於香積啟明筵於夕軒談屑墜
冰鬢影妨燭酒釭干斛映星不寒山光四圍入

簾都翠觴勺旣倦行吟圃庭凍竹萬竿鏤月滿
地霜葉積尺青鞵有聲緇梅作花羅襟亂馥栖
禽驚臬或逐別枝池泉暗流時滴清響觸屏之
僕軒聞於下方知更之雞鳴促於宵漏高興未
已曙色忽萌鐘杵旣催香俎始設夫星辰旋轉
行速乎舟輪親戚宴游每間乎離別是以青蓮
達識流連秉燭之言元子可見悽愴種柳之歲
中年絲竹易併悲歡亂後園林幸聯花鄂今夕
何夕知後會之難賡東祖西祖幸先芳之可誦
韋家花樹感榮承平謝氏烏衣淋漓篇什用成
四韻紀勝一時嗚呼朝暉不溫微霰先集次晨微雪

天涯雁影長懷伐木之吟劫火鴻泥誰徵熏艾
之穴烟雲可贖鰥鶴難期白頭臥菴笑行客之
萬里紅萼無主遲尋春以十年敘情話於蒲團
諡巢痕於桑下

乙丑之秋寓
寺樓十餘日

緣波春動將勞江

上之送行青山歲寒留待他年之誓墓

莫色連遙山乘月弄寒機招提富烟景蘭觴展瑤席明
燭凝釵光寒花墮巖滴料應池塘夢長眷晦堂夕

辛未元夕別家人作

以下辛未

故鄉鐙月正團圓抵庾相催作別筵七載歸人桑海淚
一肩行李郭門船風塵薄宦尋殘局鍼線高堂夢昔年
頭白孤兒隨計吏九原回首倍潸然

三弟四弟送至郭外金龍四大王廟而別作三絕

句

無多兄弟泥長行
忍淚相隨半里程
聞吏不知人惜別
苦催魚鑰出春城

那有垂楊古道旁
明神隨例付滄桑
孤龕露處無祠廟
猶爲離人一炷香

廟已燬於兵火

蓬萊驛舍已煙銷
兩市屠沽久未寥
猶有酒樓燈一點
多情照我過虹橋

舟至高橋小泊看月

小泊高橋午夜天
越城回首隔寒烟
鏡湖忽湧元宵月
來傍離人萬里船

武林寓樓喜季弟至

不謂長行後猶連旅舍牀莫忘今日夜風雨在錢唐

舟泊湖墅

雨出北關去收帆尙帶泥三更殘月上煙際望西谿

自臨平至塘棲夾岸梅林花開甚盛作四絕句

湖邊山萬重山下梅千樹時見白鳥飛入林不知處
曲港帶危橋綠磴入修竹花裏炊烟生何人結茅屋
帶雨知樵徑隨流點釣疍有人含墨畫風帽坐船窗
小雨稽郵程幽鳥破清夢對面風帆來暗香自迎送

過茶禪寺

宋宋語兒橋寒流帶枯葦一塔倚春陰道是茶禪寺

白華絳村閣詩王

圭
越縵堂集

舟泊楓涇

已入華亭盼寒江色不開孤舟楓涇側風雨待潮來

夕陽中過閔行時新駐水師營

春申江口滿帆風江市人家入畫同一岸斜陽營細柳
戍旗明滅亂流中

滬上別季弟

我北汝南返相攜黃浦濱去留無限意含淚看旁人

黑水洋看月

曉出吳松口昏經黑水洋惟餘一弦月照出海天長

晨過綠水洋見山東沿海諸山上午經膠萊境午

抵燕臺望之罘成勞諸山作

一壺碧玉瀉雲間
歷歷煙螺點髻鬟
此日夷艘行枕席
當年漢帝望神山
旌旗碣石新開館
鼓角沙門舊設關
始識成勞本仙境
夕陽萬道起朱殷

抵大沽口見楊柳已垂垂矣感賦一絕

海上嚴營卓戍旗
當年曾此覆雄師
細腰戎女羊車出

翻向橫塘妬柳枝

太西女子
尙細腰

通州道中見桃花

車繞路城西柳絲
何澌澌忽見桃花明
青帘出邨店

途中見上塚者感賦

已過清明十日天
北人祭埽尙紛然
可憐孤客三千里
來向通州看紙錢

潘伯寅侍郎張孝達編修招集龍樹寺分紀以詩
客賞良不易官程況多促輟洗解華簪相攜翫嘉旭宛
彼城南隅地曠衆景蓄招提出烟際老槐互蟠曲修池
帶叢蘆欹廊蔭疏竹欣此微陰娛遠風扇新綠開軒緬
西山嵐翠若初沐玉醴旣已陳清言取相觸感樂窮萬
變芳華富一矚情有異同吟道爲智愚局翳子寡素尙
塵鞅苦羈束幸陪君子歡幽襟未易足漸覺莫靄生鐘
魚自賡續吟遲新月上倦此不遑宿歸去滌塵夢松泉
響幽谷

潘星齋侍郎丈招飲小鷗波館後日賦謝

七載還故山長飢狎麋麇偶然賁遐夢杖履若延伫維

公海鶴姿風雅實宗主重隨計吏謁略分愜塵撫戒賓
啟東閣瑤筵列尊俎旣幸猷吳鮭復喜挹談塵喬柯接
簷風疏花宿庭雨微雲媚湘簾斜陽眷朱戶人生重嘉
會兼金比芳序慙無元悟才蓬飛感離聚安得五湖船
從公釣烟渚

比鄰徐壽蘅侍郎招飲以疾賦詩爲謝

日日閒庭倚樹吟蕭疏散髮不勝簪浮生久竭憂時淚
多病常懷去國心猶喜門牆鄰絳帳自慙桃李託清陰
幽憂未得陪佳賞悵絕成連一曲琴

答王子常同年

詠霓

見贈之作

聖清勵實學經訓勤疏治閭顧朱胡陳

見

桃筆路先驅馳

碩儒啟小惠

松崖時傳紅豆先生

撫宿窮娥義一傳得良庭寫

經參籀斯盧

抱緒鶴侶

實驂斬王

西莊錢竹

共維持孔軒邵

雲

二孫如洪存

凌仲

繼起分畚蓄元明積壅蔽悉辭而闢

之萬彙索與嘖千秋絕攀躋是皆宗高密經神無它師

洙泗恃一綫微言接緇帷別出有江戴金

榮齋

段相追隨

稍遜惠學必未與鄭志違幸際高宗朝千載開昌期

大典按祕逸石經正譌遺翹材列四庫章逢賡委蛇典

禮及名物爬梳咸受比訓詰及章句斟董罔弗釐粲然

六經籍鉅細長昭垂中天竟再覩轅漢凌蒼姬家法貴

墨守大道詎有岐世儒好銜鬻立異不知歸通執務博

物昧經標正辭制度勇凡改

程易疇通執錄中所言喪服及戈劍戟等攷多不足

信其辨棟宇尤科旨紛譌茲此雖名古學實已招瑕疵

謬別有文論之
桐城遂猖狂捐本升其枝擗擻入家語小文炫羣兒斯
藩一以壞雷鳴聒龍鍾聾聵狀撻索蠶蠹肆訾訾鶉棲
傲戟冕豕盆蔑尊彝空言講性命聖道日陵夷不學爲
知本師心恃可欺六書屏不講三禮紛致疑馴至釀大
亂癰潰連心脾五斗各立教天主奉太西痛茲謬種害
遷流忘其非有識或疾呼楚咻舌爲疲碩果已盡落弦
誦聲何稀京師盛冠蓋杖杜貫雌霓講章祕枕寶兔園
不敢窺其間號才俊佻達矜羽儀亂抹尤侗集高誦袁
枚詩孤鳳偶一出環臬驚羣鴟予生夙嬰疾許鄭心所
跂健忘屢迷復望洋憚鉤稽昔秋舉進士同歲多魁奇

白華絳村閣詩王

六

趙縵堂集

潘鴻

朱新

一兩年少漢詰確不迤黃生

以周此用秦漢人解生解先例治

易禮屹屹忘朝飢其餘十數輩俱好深湛思吾子產台
嶠餐霞采金芝精擘康成學編摩手生胝餘事及桑鄒
支川理勞絲譚獻王綦亦同志左右相提攜蠹簡互披
扶門戶無瓠離漢學或復振大廈羣支檣痿茶庶自策
跛驢追駿騏秋風儼載酒說經解我臣光采勉韜蓄斯
文將在茲

九日宴集慈仁寺毘盧閣用少陵宿贊公土室第
二首韻

城僻多幽事林深識禪靜經壇散菊花雲幢閣松影幸
預華纓游樂此蕭晝永危厓淩蘿梯殘銘剔苔井玄關

詎云款談塵猶可秉語笑出天半爽氣與秋迴寄興清
虛間卽物見濠潁詠觴有餘歡塵俗奚待屏夕光弄微
姓遠翠導西嶺迴看莫烟生月上離巢頂

江右熊孝廉銳心年七十矣素未相識今春入都

屢承過訪於其行也以詩留別且索和依韵答

之

孝廉素究丹訣嘗注參同契等書來詩有云君返天台求異士長生別有海南方

老被人間喚酒狂海天回首夢迷茫葳蕤星宿誰曾摘
清淺蓬萊詎可航白髮三朝怨顏駟朱門十載滯鄒陽
勞君席帽頻相過悵結秋風水一方

君終未見予故云

小寒夜香灤有夫麀伯三編修溫味秋贊善董峴

樵兵備王信甫員外偕飲長沙周學士新居作

學士高齋啟玳筵紅鑪銀燭小寒天梅花格峻宜宮體
蘭芷香多怨楚絃千里風煙清輦下百年文獻屬尊
前江湖席帽龍鍾客強侶金貂趁玉鞭

峴樵兵備招飲以小疾不往賦詩柬之

上客賡聯佩朱儒獨擁氈窮愁艱一醉衰病入中年竊
祿千官下論交百代前西鄰歌舞地風雪閉門眠

伯寅侍郎饋銀爲伏臘之資賦詩爲謝

窮巷經時絕過存歲寒冰雪阻修門嗣宗交舊多讐錄
杜牧文章總罪言獨有侍郎能念我每銷清俸與傾尊
長安僵臥知何限慙負春風滿室溫

消寒三集香濤出示宋畫香山九老圖卷卽題長

歌四十韵且訂西山之游於東官夫

香巖居士城南居

香濤自號香巖居士

寒宵高館羅尊壺酒闌興

發更張燭拂牀出示九老圖絹素流傳自宋代丹青渲

筆無凡姝衣冠樸野見古意竹樹點綴猶鮮敷龍門八

節髣在眼青蒼萬劫仙所都遼陽侍御富綳軸

圖舊藏漢軍李

御史恩慶家

愛護不使纖塵污君今好事過前輩寶此何啻

千金釀卽論文采照當代政恐長慶供筆驅我獨披圖

再三歎青雲驥尾良非誣胡吉劉盧豈足算幸隨退傅

相喁于柳宿二星動天子飛雲躡履凌霄虛洛中遺老

亦何物谷神養息山林癯百三十歲無一事龜苓甯與

蟬菌殊自來清福貴名德匪借泉石容頑軀樂天出處

有深義中唐國是多艱虞太阿顛倒弄熏腐南衙低首
不敢吁前有伋文後訓注懷忠奮發謀芟鋤雅志不遂
蒙世詎清流接踵遭羅陸劉柳才人坐奸黨涯餽儒相
澣門誅微之忼慨思厲節一挫失足遂迷途公獨回翔

不濡尾新昌履道忘江湖同年不幸有牛李靖恭諸楊

沉葭李一緘文字屏塵匿平泉草木誰嘘枯

牛李黨者謂僧孺宗

閔也有以李指衛公者誤

是時贊皇正當國中興羣彥連茅茹洛師

分務乞骸骨退友麋鹿相歌呼白須朱紫互輝映卻視
門戶眞人奴後來至道續高會吾家文正聯瓊琚熙陵
造刻引詩諫文章行事常追摹三台七秩備恩禮園亭
絲竹多怡娛所惜仕宦歷周漢醉吟風節猶非徒君今

盛年致臺閣坐作霖雨爲時需承平人物轍唐宋從容

雅歌集簪裾周董胡爲早逃席得非盧尹同兼蔡是日集者

十一人荇翁峴樵先去故以同有尹盧貞祕書監狄兼謨二人與會而不及列爲數香山之會有兩盧貞其

一官侍御史內供奉新書改貞作真又不數我預題詩

李元爽僧如滿而以盧尹狄監入九老皆誤我預題詩

紀絕倒出門霜月橫天衢西山殘雪忽照眼佳名京雒

遙相符玉泉潭柘富烟景籃輦宜及春風初雲深寺寺

出鐘磬紅衫導鶴穿松株勝流名迹例代嬪可令丹翠

局靈區招邀霞侶胥入畫萬卷先約西鄰朱至道九老中有工部

侍郎朱昂號小萬卷有夫居與香隣鄰秋初曾有游山約故云行糧日日打包待問訊

張子今何如

越縵堂集

會稽 李慈銘

原名模

忞伯

小字尊客

白華絳柎閣詩癸

古今體一百十三首

贈朝鮮使臣閔經園

致庠

樞朴綺園

鳳彬

直閣卽送

其歸國二首

以下王申

東來畫簫靜風烟玉塞車書奉

九天王會自修唐職

貢雄封不改漢山川

聲靈薄海三千里禮樂稱藩五

百年仙李柯條應可數

李白詩我李百萬葉柯條布中州朝鮮李氏自明洪武二十五

年得國至今四

百八十年羽儀今見使臣賢

聯翩尊俎接華裾已是東門祖帳初殘雪官梅迎遠驛

早風關柳引歸旗清班雅負三韓望

溫旨親承

九

陸書珍重文章經國事中朝執戟媿相如

太華衝雪圖爲董峴樵觀察題

唯華奠豫雍金天寶幘燾削成而四方坤維祕靈奧鉤
梯通蛇行飛繩接緩趨董生真好奇高爪誓凌蹈元冬
萬象閉積雪一騎導翳麓展丹房靈風啟眞詣信宿結
藤纏賓從謝車膏漸覺頂踵齊甯辭腹背靠迴峽循劍
臘欽巖透壁好呀豁疑出籠蹲伏恍在抱仄磴駐頽景
凍礪挾微瀑歷險得青柯中空闢方塊仙樂微可聞羣
靈若相勞仰拂玉女鬟雲裳曳鮮縞明星粲可摘天漿
飲猶嫪下俛萬銀海三秦縮寸晷終終南吳嶽散邱垤涇
渭特溝瀆神王力不疲心清氣愈昇奈何懸度窮冰殺

乏人鑿得半已賈勇投書枉增悼逡遁旋跬顧見跼
萼倒下界撫松顛始聞烏雀噪歸來紀幽勝險絕詫童
髦奇句足相抗飢魂藉當犒膠饌營粉本層淩映風帽
尙惜龍駕絕淩虛未能到君今再入秦嶽色眷行纛我
聞雙池泉蓮葉鮮可芼鐵船纜柏根詭迹務絕造更以
遐覽力厯舉關輔奧西夏猶連烽北山亦窟盜玉門千
里內天府赤爲耗屯田諛地隘輸粟辨河漕尺寸洞厥
形氛翳漸以埽行見露冕馳褰帷慰民禱區區徐霰
羽流游記安足傲

嶺嶠望雲圖爲楊理菴檢討

太亨題

丹蕉紅荔開羊城翰林橐筆依老兵忽起登樓望雲嶠

珠江越水無限情人生苦爲衣食計短簿髯參豈初意
湖邊歲給二頃租何羨東方擁千騎君今諼草榮北堂
承明歸奉天羹香難兄粲粲持簞案循陔笑看芝蘭
長昔年掄才往南國星軺歸獻五花敕羅浮衡嶽雲

千重都映宮袍萬年色披圖讀罷心自哀皋魚薄祿徒
徘徊項里墓田松柏少白雲天際爲誰來

子二親葬
項里山

彭侍郎玉麀

畫墨梅爲謝麀伯編修題時湘鄉使

相新逝

風雪十日無酒錢漫郎老作飢鶴拳典衣買梅得盈把
畱入膽瓶配水仙吟香嚼茗絕朝事閉門不受東風憐
街南謝公忽走使示我此幅情悠然爲言侍郎潑寒墨

正坐山寺儕枯禪放臂天矯作曲榦頓覺鐵石生清妍
長江水師百萬衆踏冰苦戰經十年瘦骨時與怒蛟搏
勁節能挽天心旋投閒寫此古明月鑒影不負清冷閒
枯枿亦荷雨露力高枝詎假蚍蜉權方今歲寒更寥落
霜風一夜凋貞莖江南江北失嫵媚雲臺粉本無華顛
地下冬心已寂寂山中處子猶娟娟白雲豈尙耐高臥
坐令荆棘纏風煙還君此圖三歎息楚辭愁絕朱琴弦
詩成冷澹成獨賞更爲寒花澆井泉

顓峴樵粉東老屋校韻圖

古人取韻緩清濁限方域世儒泥章句音義遂煩數長
短齊人言輕重漢儒讀後出益紛拏圈發逞私欲梁陳

講聲病強以四聲束高貴泉梁武卓識獨破俗柰此風
會鵠浮華斲其樸慎倒言下上虛實味秀宿鯛乃切紂
紅頊改翻許綠燕說誰爲刊天籟反遭楷北宋家法存
近守唐代躅丁賈皆經儒同志有洙王淑李十卷十二
凡部別慎通獨性繆偶馳孫恂典刑未祧陸字不取類
隔文亦參篇玉別體務蒼萃一音自聯屬雖病雅俗殺
尤多形體複觀過宜知仁多文在富蓄誰歟妄兼并畫
部成百六疵議叢劉淵叔始實文郁金王文郁平水新
刊韵略出於正大
六年已并二百六部爲一百六部先於南宋劉淵濱祐
新刊禮部韵略二十四年又上聲已去拯韵亦非始陰
也時夫國朝勇復古亭林首張目十部至廿一研析遞繁
緝經子務博證集矢徧吳越入聲互割配頭脯強接續

其意或過通往往見違觸之脂支必分元魂痕當副無

錫與儀徵雅冀古騷復

無錫秦文恭嘗以江戴兩君言元與魂痕當依三百篇析爲二

眞殷當從唐人同用上聲拯去聲證當分出獨用上疏請刊正韵書阮文達取段氏之脂支羣經楚辭分三部之說欲并廣韵定爲古韵廿一部爲作古辭賦者之用昌言終未行習非徒嫁嫁

蒙嘗發狂論吹萬貴抱蜀雙聲本天機造化具宮籛六

書半形聲偏旁不相黷持此兩大端如宗合其族一掃

塵徑蕪兼通絕津軸覓蜨枉分別頗陂免點辱婁欲勒

一書私以詔家塾病嬾輟觚翰家貧艱畢牘羨君勤著

述榆陰掩深屋朝夕羅丹鉛雅詒盡簞錄體乃方

密之通雅

吳山夫殊義與朱

鬱儀駢雅夏味堂

足簡鍊比治兵爬梳類

折獄卽規經濟優豈爲盤錯衄此圖便千秋雕蟲等奴

僕

壬申上巳日王信甫員外邀同董峴樵游城南龍
樹寺峴樵賦詩見寄卽次其韵二首

小試郊南騎芳塵輒不驚草長知蝶態水滿得蛙聲暖
日常依闕輕烟欲抱城相期投古寺幢影隔林明
寥落芳華節歡游止百哀柳絲依水檻花氣出香臺遠
樹壇陰直浮雲塞上來烽烟應未靜相勸手中杯

莫春十四日伯寅孝達招同秦宜庭董峴樵陳逸
山吳清卿諸君極樂寺賞海棠酒畢復同游三
貝子花園

窮居不知春事至亂書牀頭雜堆置滿庭積潦草不青

老槐婆娑乏生意一昨街頭聞賣花典衣諧價鄰人譁
丁香紅杏亂栽畝短牆隙壤紛天斜侍郎好花復好客
南皮公子興尤劇招邀共探蕭寺春詩賭百篇酒一石
驅車爭出西直門平疇萬綠開晴瞰青山婉變向人笑
恍然身到江南邨高粱之水玉河抱翠色春陰接瓊島
時聞流出宮中花浴鵬游魚滿清藻林陰梵宇沿流開
雜花千樹環講臺諸天色相現長晝石幢雲采繽紛來
所惜海棠獨遲發火速綠章奏何迫坐失華鬢絕代姿
不遣紅妝勸浮白董侯戎旃行入關秦老酒半醺玉山
人生行樂那可極看花幾度凋朱顏隔湖灌木何王邸
亭館半傾花石徙追涼池上林風長莫靄遙隨晚鐘起

僕夫催返行脚躡清游不足留畫圖城東歌舞列紅燭

豈知世上春光徂

是日戶部同官
招卦城東樂宴

後三日偕有夫慈仁寺看花復出右安門訪花之

寺海棠遇方勉甫舍人

恭釗

兄弟留飲至日莫

而歸

春風十日吹煖晴結侶又向城西行慈仁寺中春事早
杏梨綠暗丁香明白玉花叢間金雀映梅滿地燕支落
碧桃一樹早霞鮮綽約新嬌倚經閣僧貧寺寂門常開
卷衣胡蝶時去來危梯響屐出花上踏青爭上文殊臺
回車出城更尋寺詩老花之有題字入門錦照緋羅天
雙樹蒸雲一何綺相輪朐轉七寶裝朱簷碧瓦危相當

齋鐘一杵散花雨華嚴色界回春光京師海棠本第一
此花奇麗尤傑出猩紅鸚綠天人姿回首天桃恁如矢
方家兄弟攜玉卮周郎爛醉倒接羅坐有周編修蘭善飲紫雲照
坐絳仙舞深杯百罰何須辭酒罷開窗延野色夕陽返
映豔無極欲具袍笏拜金神留此十旬作花國嗚呼盛
時不過誠可傷南鄰張子聞應狂是日期孝達不至

後四日偕許竹簣編修

景

方勉甫舍人濮子泉兵

部

子朱鼎甫孝廉

新

兩同年再至極樂寺看海

棠復游可園而歸

鳳城一雨花更嬌嬉春排日無停鑣命儔夙戒起清旭
馬蹄又踏高梁橋阜城門外綠莎軟清絕濠流荻芽短

浴鵝眠犢更宜人故里風光客中滿寺門尙遠花光來
漫天錦繡連雲開下者珊瑚上虎魄細亦玉樹堆玫瑰
天公門巧乃至此人一步千徘徊國花堂前豔尤絕
寶釵十萬亭亭列朱闌一曲垂綠楊卻襯臨風舞迴雪
幢幢佛殿金鑪烟鹿苑柰花開滿前就中一樹取殊麗
棠梨胖合成雙妍花紅玉白眩香國雪膚丹頰眞天仙
寺僧以海棠接頻婆果樹種之香色尤絕頻婆果樹卽柰之別種也平生看花未曾飽何
惜銀鬢百回倒羨煞優曇深擁簾白頭僧向花中老誰
家繡轂吹香塵花叢接隊紅裙巡蝶醉鶯酣雜語笑時
見綠葉銜紅巾碧紗如烟隔窗影掩映花枝出深靚繁
華一夢狂英飛晚晚夕陽在西嶺五塔寺前光氣多茶

陵祠墓局烟蘿幽尋更入廢園去相約薰風來看荷寺
爲眞覺寺中有五塔李西
涯墓在畏吾邨去寺里許

次日復偕荇翁孝達冒夫逸山麝伯咏秋六舟諸
君過花之寺餞峴樵同孝達作孝達以花事已
過爲恨卽取其意調之

前日極樂寺中紅苞綠葉含火珠今日三官廟裏殘香
淡豔凋珊瑚人間萬事無躑躅春風一瞬形神徂張子
好游兼嗜書十日不出橫琴居招邀餞客城南隅韋公
舊寺重停車水亭柰樹今已無殿前對峙雙錦株絳雲
疊鬢玉作跌看花已晚成歎吁回首紅萼梢頭初生小
無人迴清矚翹風雖老情有餘孝達詩以
房老爲比綠珠未墜終

絕殊人生有酒連百壺東寺西寺隨所驅檀槽玉笛紅
氍毹果騶倒載傾城姝綠鞵監奴攜行廚新詩題徧鮮
羅襦夕陽醉索花影扶及時不樂胡爲乎我曹局瘵轅
下駒通塞雖異貧一涂流連光景多憂虞尋春作達聊
相娛西行萬里董大夫持君一觴花擁旗明年隴首春
何如莫忘今朝花下讐

晚飯於庭中槐陰下月影隔樹流光滿案因以一
詩寫之

攝疴不出門風定啟蘿幔移牀就樹陰惜此小庭晏誰
語簷間親蛛絲花際亂韭薺出我廚言趁夕時飯初月
生槐間流光滿几案恍惚山中居松輝落琴薦幽思無

取盈卽景此焉眷碧雲天末來茶香與心遠

爲伯寅題東堂喜雨圖二首

五雲捧 詔領羣英閒向東堂品雨聲官燭搖銀香燼
落綠槐風裏斷茶筌

春疇水滿喜堪知報賽應宣供奉詞

時大內方禱雨

想見滿堂

軒睡客垂簾據几獨聽時

再爲峴樵題秦宜亭所畫太華衝雪第二圖

都下幾人畫山水錫山秦叟稱能工吮毫索價頗自惜
鞭材曾被嘲凡庸一朝爲君拂絹素經營慘澹天外峰
玉蓮朵朵入雪色松根樵徑微能通金天倘覓失奇氣
靈泉百道凝濤龍危橋盤磴何應落時見木末緣奚僮

所恨點綴特工整轉於側面摹龍從天門虎豹不可上
明星玉女誰爲容使君峯距本孤抗欲排閭闔凌長風
涼州不用美酒博防秋乘障徒書功瑤樓高絕難再至
觚棱曉夢瞻瞳矐延推秦隴易方面 帝曰汝往臨西
戎河湟烽火斷右臂單車亟馳扼賊衝書生報國當在
此探奇覽勝奚稱雄氛祲盡嶽色見岷峨萬里青
蒙長安僵臥一蠅蝨賦詩跌蕩長終窮

敬題

文宗御畫馬石刻本賜伯寅侍郎上幅有御書少陵詩
雄姿逸態四句

嗚呼 先皇神聖姿幾餘宸翰昭華夷偶然畫出渥注

種便覺世上無驕驪龍媒蹀躞自天下玉花垂髦氣閒
雅驕嘶寫取杜陵詩迴立俯視曹霸馬一自御極風
塵多歎沙浴鐵驅渡河禁中乙夜歎頗牧披圖索駿
將如何侍郎昔值承明日密疏薦材頻造邾不煩赭
白賦瑰辭常恐騏驎眼前失回首龍髯已莫攀長憑
賜墨想天閑昭陵石馬同靈異氣象中興咫尺間

題峴樵玉泉院聽泉圖二首

院在華山下

乍試鳴騶入谷行嶽池萬仞墮泉清經房夜雪丹鑪閉
此是人間第一聲

石洞仙人臥冷霞

宮左有陳希夷石洞睡象

御風去訪玉妃家不知

絕頂春多少流出明星萬點花

題伯寅藤陰老屋勘書圖

東吳治經藪惠氏爲遠傳九經徧刪緝古義遂以宣書

勘梅傳爲易扶虞義偏折衷康成氏一掃性理禪良庭

與古農高弟追淵騫人注復孔籀鉤沈補唐賢嶽嶽緒

員外士禮窮鑽斲力闢君善謬功在賈

公李如圭

先巖巖

王光祿墨守廿九篇挾去子離蠹日星同回旋

西莊本嘉定人

後居吳門其尙書後案題曰東吳王氏學

鏗鏗段大令許書頻絕編字必求

達詁二徐破拘攣蹟誼闢奧竅異文窮波沿

懋堂亦由金壇遷吳

門

賴此六君子孔書明千年錦帆一涇水遠與洙泗連

英髦遂踵起家自勤丹鉛校讐誰絕出黃顧傅尤專孝

廉富精槩百宋溢一廬文學稽四部思遠顏齋楊所詣

皆卓絕宋後無齊肩務博似繇碎專門絕旁緣讀書無
家法何由致精堅筆縷始何氏義門文道彌便便陳氏景雲懿
維先太傅實師嘉定錢鼎原自小惠百氏資綜銓紫陽
老主講羣言滙其全君受祖庭學闕幘分寒壇青雲致
身早中祕窺琅嬛顧問備法從啟沃居經筵大義述
經法餘事刊烏焉精心契鄭學名奩志拳拳藤陰一畝
屋翠覆朱簷圓退直下簾坐几席生清妍想見五官用
雌黃滿青箋紛紛謬悠說埽落如浮烟此圖卽禮堂綈
帙羅花前婀娜紅豆樹南北長便娟

輓周允臣戶部

文俞二首

東閣傳經早含香侍玉京外郎三署轉

君以回遯歷補工部主事刑部

戶部員外郎任子一官輕自足閨房玩羞爭閤閱名彼哉誇

食飾臨汝與安成

及我聯車笠相親獨過羣一言知什襲

君得子片紙
隻字皆臧去

載愈殷勤志業期孤子音容斷莫雲賜阡碑未立淒絕

又銘君

君乞子譚文勤公
碑文尙未上石云

夏初偕宜亭峴樵香濤六舟甘伯逸山麀伯諸君

夜飲半觴醉後走筆作歌

一病經旬不能出減米量泉臥白日故人知我幽憂多

特偕高談起廢疾小脈望館

伯寅臧
書處

千卷書古色濃蕝

花不如閒以羹鼎及壺杓朱簾一一垂青疏坐客縱橫

半殍好張生舌存尤絕倒其餘經史多顛門拓碑作畫

亦精妙清風習習生庭柯兩筵對設傳叵羅沈酣不用
主投轄玉缸早見橫星河長安百司少暇隙計臣仰屋
竭籌策潞沽水怪奔支祁海國夷獠買人脂平時醉飽
非偶然蜚鴻千里無炊烟腐儒溝壑本素分車茵一吐
誰非天宋老旗亭門春酌招聽吳歌白翎雀戀此餘釀
銀燭光花外不知華月落

是日宋雪帆開學招飲酒樓以醉不得往

劉鐫山師招飲新齋偕孝達登新構北樓坐話時

四月晦日

絳帳新開地高樓啟夕晴一尊提月醉雙簾緒風清樹
密山容遠簾疏野色明紅塵應不到同數晚鐘聲

師所居鄰

寺長椿

伯寅索和消夏六詠爲搨銘讀碑品泉

同論印還錢

研檢書走筆成長句答之

南齋侍郎今內相論思討古同精勤朝來打門走急遞
示我六詠如璆珍長安貴人競消夏涼臺曲館沈香薰
綵綵玉簪釘奇果青蛾羅縠歌遏雲君謂我意獨不介
室中所有可具陳上者辛彝及乙鼎齊黜宋洗犧象尊
漢泉周印錯雜置沙南碣字尤輪囷下者書研亦絕品
古香觸手皆天芬細辨名物補鄭注遠窮近迹參籀文
趙洪失色王薛沮吾桂墨屎錢毛嗔朝回駐車輒閱市
片瓦不憚錢千緡貨郎倚擔與諧價騶卒持貂時質人
麤螺萬紙入瑤笈牙籤百部排錦純奚奴交喘客流汗

炎歊隔戶揚黃塵摸牀繞室獨竟日不持羽扇風常春
響榻時疑棋落子繙書不覺花堆茵偶烹佳茗數晨夕
塵尾一拂雲繽紛我慙貧兒不知賈琅嬛欲入猶逡巡
聞君過目已盡記五車一一胷中吞舊臧悉入永嘉劫
餘者所得猶兒孫頗有荊州脫手贈紫雲忼慨能消魂
囊人衣珠不敢望底下亦足張吾軍幾時煩君設寒具
一令餓蠹聞奇芸

顓伯寅所藏順治薦紳錄

章皇御宇十八載百官名簿猶畱傳河間好事廣文獻
襲以錦韜函以檀罩谿梧門各攷索如摛經史爭鉤元
或據庶常殿辛丑或證西樵居學官互相參訂決龍紀

孝陵代嬪重光年朱公顥詩阮公跋蕙西長句尤精犖
錄本無歲月以庶吉士載至辛丑科張公玉書等十人
又王氏士祿時尙爲助教故翁法兩君皆決爲辛丑大
興相國有顥詩儀徵相國侍郎古癖甚前哲得之不啻
有跋邵氏懿辰長歌尤佳
珍珠船竭來示我發函讀官制半與明相沿我稽 聖
祖初繼極勳威備政頗自專復改殿閣爲三院學士傅
大僅六員又停御史出巡按盡畀督撫一事權此冊殿
閣輔臣九聊城去仕銜猶聯內外臺列按臣職姓名無
一畱雕鐫援以定歲更知月實在夏季秋以前致會典諸書順
治十八年六月改殿閣大學士復爲內三院省翰林院
官七月定制每院滿漢大學士各一員是年六月又罷各
省巡按此冊大學士尙有九人皆以殿閣系銜翰林院
尙有掌院學士胡兆龍以下各官都察院及各省下皆
尙列巡按銜而無其人又聊城傅公以漸以是年四月
予告回籍此冊大學士九人外尙有少保兼太子太保

武英殿大學士兵部尚書官銜一行而空其姓名祇惜

攷之則聊城故官也

馮銓

長揆席黑頭奄孽猶餘羶次輔吳江

金文通

亦媼

相貳臣傳裏徒埤顏一丞一合落嶺嶠清端忠毅名長

懸

傳忠毅宏烈時爲韶州同知于清端成龍時爲羅城縣

豈非爵秩本外事不因

貴賤分愚賢自茲迄今歲二百朝莫變滅如浮烟大者

勳節次文藝王詩汪筆今猶憐

王漁洋時爲揚州推官汪茗文時爲戶部郎中

侍郎年位足展布論思所暇勤丹鉛澤州京江特俛視

陳文貞張文貞時皆爲庶吉士

儀徵獻縣堪隨肩我喜此書得所主願

君局護同琅嬛蘭臺柱下藉按補他日千金購此編

和紱丈喜雪詩韻

閉戶經旬無好事天教快雪慰詩情望中樓殿千門曉

夢裏江湖一艇橫
鑪火自添重幔煖
瓶花多占小窗明
須知上界神仙府
不及先生杖底清

紱丈復賦一詩索和又賡答之

朝來雀梟凍枝垂
正是晴窗日上時
豈有風塵侵冷巷
自和冰雪寫新詩
茶烟翠竹簾前色
酒幔梅花笛裏思
便欲石湖陪嘯詠
籃輦風帽事相宜

題潘星丈庚戌分校禮闈畫蘭三絕句

宮體紛紛逞意裁
臨風無語獨裴回
分明二十三年恨
曾向空山寫影來

隔簾逐隊聽琵琶
孤絕琴心海上槎
千朵白蓮香一瓣
鋪堂誰問趙昌花

欲折股勤不自持蔚藍雲外寄相思天寒日莫瀟湘遠
更炙紅鑪寫楚辭

爲清卿題金孝章

俊明

墨梅冊三絕句

世外春光不可論空山冰雪自消魂澹雲微月人無寐
獨許清風近墨君

孝章自號不寐道人畫中間雜蘼竹

當年桑海賸寒枝鶴化春歸斷夢思

有自題一絕云孤山鶴化應無迹靈

谷春回亦斷香畱得一枝寒影在年年憑仗領風光
一樣孤妍遺世意水雲琴與

霽山詩

瑤華又墮吳均宅鄭重江南驛使春絕憶靈巖寒月夜

影娥池畔弄珠人

此冊清卿亂後所重得

歲晚讀書寄伯寅侍郎

窮居謀米鹽度日每如歲劬學事鉛槧又苦日易逝鐙
燼繁宵明窗旭趁朝霽大化無百年聖狂束一例窮經
有微得奇甘溢疏糲迂怪叢世尤踳躓受天欽故人雲
霞姿獨爲歲寒計樵蘇時續乏挹注屢忘惠霄埃本殊
形文字泯其際念茲品彙繇至理實司契雞豕分效材
裘蓑代爲帝巧勞容拙安後至疾前蔽博鬻髻益高斲
趾屢適戾世故日糾紛澄觀持其敝是以古道交噩沒
互鏃礪達期登治平窮不忘利濟方今履端近

冲聖親斷勅萬物瞻出震卿雲粲以麗內相造

辟言改行得次第輕重貴審幾及時必割蓺積患在縱
弛一事百牽曳冗員塞牛毛所至成沴厲才者矜奔馳

愚者安玩愒首當覈名實謬說破調劑承 旨冠 禁
林四海仰獻替行見經術昌羣聲醒夢寐通塞雖睽涂
行藏各造詣春至蝨卉蘇端策我其箴

自題霞川老屋圖

我家世在城西居翰林吳君爲續圖長安塵沙正眯眼
突兀忽見先人廬二百年來有此屋東南斜抱兩河曲
先宅本臨橫河後益南關遂俯直河城邊綠樹萬家烟橋畔朱樓百竿竹

橫河北絕官瀆流烟波浩淼無春秋鷗鳬四散不知處
鳴榔往往聞漁舟直河西接錢青水迤邐長流百餘里
估帆日夜排檣來豔說霞川一灣綺蓬萊驛路清風多

連雲綽楔垂女蘿會龍尙記前朝事

宋理宗潛龍事詳予所作會龍橋歌

臥虹不絕行人歌

放翁詩行歌西郭虹橋市

先人辛苦一塵寄舊德

清門子孫庇規制樸陋無敢增宗族環居莫輕棄幼騎
竹馬攜短童東眷西眷隨所從鵝鴨時開比鄰塾紙鷺
閒趁陂塘風寂憶讀書一弓地楊柳臨池澹窗翠擁卷
隨時倚樹吟洗研呼僮捉魚戲我生三十行適燕滄海
橫溢無愚賢馬蕃亦逐賈區盡桑柘一例隨飛烟歸來
城郭都非舊到岸牽船暫相就新豐門巷何處尋安仁
故第從誰售海燕年年繞屋飛夢中圖畫是耶非多情
惟有霞川水日望行人萬里歸

癸酉人日立春賦詩懷故園曉湖慎齋杏泉梅巖

蓮伯五學博梅卿梅仙同年秋伊眉叔子珍心

雲諸子子宜及門 以下癸酉

夢裏不覺春風生開門雪止鵲噪晴門前華轂過如水

擁鑪獨聽茶鑪聲欲寄梅花無可折呵管題詩寫愁絕

春到江南一晌遲夢落山陰萬家雪

時聞南中久山陰早明雪甚切

此日春光多滿城爆竹連笙歌邨邨廟社聚雞酒處處

春鐙圍綺羅廣文五君有同好各占山城理清嘯莫嫌

俸薄艱盤餐猶勝低頭事年少胡家金玉眞友昆養親

讀書情彌敦車裘頗尙臨汝飾

梅卿好飾與服

科第行署高陽

門東皋娛園盛賓客修竹風流繼遺迹燭花璀璨吟筵

高明月當空酒釭碧玉郎悲歌窮益豪說經尤愛河南

陶

子珍近肆力漢學

孫生羸瘦亦嗜學出語往往驚其曹我獨

三年滯京國
搗菜敲冰作春食
急須報我草堂詩
讀向春風展顏色

爲伯寅侍郎題邵鐘拓本

邵鐘近出土名存失其器侍郎今呂薛吉金夙所嗜重

構得精拓考索殫湛思云莒或云邵名鑿字尤異第一行文

云是王也或云下爲異卽鑿字或云肇字侍郎謂鑿同犁卽

莒之犁比公也幾日踞壁看畫腹略可識卽爲呂加邑鑿實合

兩字周時款識多有合二字爲一者如石鼓文是

魚二字尖是小大二字焦山鼎銘是丙子二字

是靈絲二字此上作戠字甚明下一字疑是赤字習鼎

赤環字作炎从亦下火蓋亦猶大也此从尖與夫同古人

名戠者如夏后啟微子啟魯閔公啟方及漆彫啟遺啟

彊榮啟期名赤者若周元王齊文公衛懿公肅公及

曹僖公魯文公子赤及公西赤赤等甚多

△詳述父祖系

第二行曰余肅公也

肅即古文

畢加糾取持誼

說文畢田网也从畢象形此加糾取手執持之誼說者謂肅即異字異與翼通

翼公乃諡也似

太迂曲或云肅即肅莒子庚與也尤附會

下言余諱幽專君譽有位

第三行余諱幽專君譽有位

余譽○諱爲反文詰幽與罰同製

古文言作各是反文詰字也

幽从网从止說文罰从罍

从刀訓持刀罍人元命苞謂以刀守罍罍亦从网疑

爲罰古文有入网者止而罰之也秦始皇改舉爲罪从网

非蓋取於此詰者禁也詰罰謂詰禁荆罰即司寇職也

譽通戰古俗爲官守字殊典錫鐘○鏐鋁凡八事

鐘八鋁字下一字模

其庵合四轄玉鏐鼙鼓備

四轄四字

見盃和鐘及石鼓文即庵字或釋爲縣

者非鏐从拿从水籀文者字見釋文四即四字弟六行

有王鏐署數四字王即玉字玉橫○豎則縣象形可求

鏐蓋謂磬也或云鏐即謹字非

義環古文作○今豎作○明象鐘懸甬上環形又鏐訓

爲精金

禹貢鑄銀鑄金史記集解引鄭注黃金之美者謂之鏐爾雅釋器黃金謂之鏐其美者謂

之鏐說文鏐

黃金之美者鏐鏐皆錯類錯銘說文錯金涂也鏐錯銅鐵

也玉篇鏐與鏐同此可補說文之缺

周禮縣鐘磬半堵全爲肆卿大夫判

縣二堵倍成四

春官小胥王宮縣諸侯軒縣卿大夫判縣鄭注判縣左右之合又凡縣鐘磬半

爲堵全爲肆鄭注鐘一堵磬一堵謂之肆諸侯之卿大夫半天子之卿大夫西縣鐘東縣磬賈疏諸侯卿大夫

亦判縣以天子卿大夫判縣之一肆分爲西東也鄭賂晉侯歌鐘二肆當天子卿大夫判縣故止有二肆也

慈案二肆是四堵矣此爲天子卿故其奄有四堵也

大磬謂之馨鑼器均可借雅

釋樂大磬謂之馨釋文引孫炎云馨高也又大填謂之器通鑑注引孫炎云聲大如叫呼也又大管謂之簫邢

疏引李巡云簫高也是皆取高大脚叫之義馨簫皆後出字本字皆祗作器說文器高聲也鑼蓋脚之重文商

頌依我磬聲鄭箋磬玉磬也坐下諸縣與玉

磬之聲相依孔疏此異於常磬非石磬也

管磬暨大

鍾禮數盡優

然弟五行至弟六行文云然歟管磬大

鍾既肩玉鐸鼉鼓壽古通嘒謂嘒庸也鬯釁宗廟灌獻
之器也大鍾周禮儀禮謂之鍾詩爾雅謂之鋪肩同發
猶賜也靈臺詩云賁鼓維鋪賁鼓卽下所云鼙鼓大鼓
也鋪大鍾也大鍾玉磬皆不在縣坐無鑄無玉磬則當
鼓禮謂之鼗鼓亦建而不懸卿大夫無鑄無玉磬則當
僅有在縣之鞀鼓而無別建之大鼓此皆以昭殊賜耳
用以樂先祖孝高傳永世弟七行至第九行交云余不
乙軌樂我先祖以斬眉壽子孫永以爲寶說文書自用
也从書从自書篆文作
篇廣韻皆以膏爲庸之古文此作膏从寧省从又又者
手也取以爲功也意庸者功也言我思畢公高文昭
繼聖智三公作東伯周召同倚畀本書正義王何以逮
孔諸儒說

畢萬曠代乏著嗣周籍多散亡世本亦茫昧古物幸可
辨文獻或有覲得非公支子食采於郕地繫也紹厥封
詰奸荷任使酬庸推先美鏗鎡龍廟祭咄彼莒小夷何

由膺殊賜無徵終弗信冥授亦姑置兩欒羨不圓應律

審銑勢

古鐘皆應律不作圓形故考工記兩欒謂之銑杜子春云銑鐘口兩角此鐘兩角洒削正合古

制

甬文從蛹形帶篆象闕氣

考工記鐘帶謂之篆此鐘帶上俱刻作回形乃知謂

之篆者取誼於闕回之文也

編棧且勿論事合成周制埒會我豈敢

論定君攸寄聊以資劇談非敢補雅記高齋箸錄餘帖

以一如意

爲伯寅題建文鐵鎚拓本

椎製勦周代齊人名終葵厥用本以木槌鎚皆異詞戰

國始鑄鐵槍雷遂於資後世益沿誤偁之曰金鎚

始見廣韻

鎚爲追金義借以當鑿垂侍郎示臧器造自建文時三

年十二月欵識猶可推革除此物獨不毀恭閱惠帝靈

監茲嗚呼長陵逆亂古所稀方黃誤國誠難辭粉飾太
平議干羽欲以尺組羈鯁鯢濟南鐵關危發機東昌萬
矢蝟集旗毋使朕負殺叔父枉有盛庸平保兒當年鑄
此將何施鈍椎奚足當利錐鬼門扶竇不須此張良朱
亥同兒嬉御史匕首露索衣曹國授戊先啟扉徒滋野
史荒唐語畱擊徐州程濟碑

庭中新植竹數十竿梧柳各一本芭蕉兩本夏夜
坐其下待月上迎涼風賦此寄曉湖春齋故山

二首

陋室一弓地新種竹与梧筍苗旣秀茁桐華亦榮敷芭
蕉二三本漸見清陰舒披襟坐其下微風來徐徐崇朝

苦暑汗俄頃都滌除時會皆適然何況物榮枯官貧喜
得閒經年常抱書寸祿雖未沾一飯飽有餘人生奚得
喪昧者徒區區東鄰據八坐日直承明廬西鄰兩持節
旌旆爭南趨辛苦爲子孫光華誇路衢從君間所得何
益千金軀

竹西月初上華雲流牆隈漸見柳梢際一片清光來籬
落亦可翫何必池與臺所惜無素心弄影同徘徊山居
自更好澗吹含松槐想見露下飲斜照林陰杯無因致
羽翼囊琴爲君開

送楊理菴檢討重典試湖南

楚南才爲天下雄文忠文正人中龍提挈羣賢霏氛霧

遂成一代中興功其餘彭左亦奇傑若羅若李勇無敵
一時驤首攀風雲生畫麒麟歿埋血所惜文教猶未昌
剽竊理學成猖狂先詆陽明及許鄭欲以學究升明生
甚者欲改六經制奮筆議禮語尤恣後生佻達習大言
塗抹以外無餘事依草附木誠無尤妄校尉亦能封侯
功名凌獵到學術不持寸鐵爭伊周三載賓興 國大
典使者一雙 帝親選激揚風俗在此行舞袖回旋

易爲善君承 恩眷尤獨偏三年兩使湘南天沅芷澧
蘭拾不盡望衡面面開紅蓮慈湖自昔講學地龍山藪
山一脈寄東鄰鄧縣西餘姚黃全文獻實職志薰風馬
首雙旌開文章爲國勤儲材兒曹鏖戰曲江捷北坐高

舉南山杯

君諸子就試浙江君將以試事畢回籍省親

孟鼎銘拓本爲伯寅侍郎賦二首

粲粲孟鼎銘

吳子苾陳壽卿閭學編修

考已備侍郎精古籀抉摛

無遺義我所三摩娑

尤在玫瑰字銘文玫瑰王三見琺王

於古無可徵請更對以意呂伋諡丁公說文作訂誼丁

癸本殷號周人始製諡偏旁隨事增古蓋有斯例唐虞

及三代以玉供神事大夫有石室郊宗詳其制王公當

用玉疑非起後世諡爲作主用加玉所以志此乃眞古

文千鈞一髮系寄語一孔儒橋舌莫詫異

說文所引訂公蓋出左傳

微福於太公丁公句許氏序言所傳左氏傳皆古文其所見作訂公也

所貴金石文爲可證故書佚事或剏獲小學猶其餘茲

鼎鄭重言宗周王命孟錫以鬯一卣黻冕車旗俱邦司

四百人僕馭至庶夫

皆銘中語

是當爲重臣何以名泯如成

王廿三祀

銘末云唯王二十又三祀以其文屢言文王

武王且據洪範傳祀此亦傳祀蓋周初尙沿

殷時之語則當爲成

王廿三年無疑也

警酒資訐謨無銘中有無敢酬初疑

武之穆孟本可通

邗後入晉爲邗邑亦作孟韓非子有孟

表以邗侯與伯禽呂伋同列五等

獻伯與叔向同時邗卽今山西孟縣也

容以國呼又疑孟于借唐叔字子于然曰祖南公世系

難強誣

銘中三傳乃祖南公

班表有邗叔時地亦未殊

人表又有邗叔在

四等亦當

其人又無攷傳會滋成愚祝雍與陶叔一例

成王之世

大戴公冠禮云周公使祝雍祝王左傳定四年

同嗟吁

云陶叔授民二人皆成王時而它無所見此孟

亦其類也

仰屋徒自笑秋風在庭梧

齊子仲姜鏹二首爲鄭詹賦

同治初年出山西榮河縣銘共百七十二

字首曰龜王五月初吉丁亥齊經饒叔之孫適仲之子綸作子仲姜寶鏹

我讀齊鏹文書闕乏左證獨取聖祚字古誼藉以正親

殉僂考妣从女疑非敬說文有祚字乃訓祀司命此文

兩皇祚配祖義相應

文有曰皇祖聖叔皇祚聖姜皇祖又成惠叔皇祚又成惠姜俱从而

作祚幸得三代物可与浚長諍左傳有聲姜公羊乃作聖

聖聲字本通俱从耳能聽

白虎通聖者通也聲也風俗通聖者聲也說文聖通也

圻會不生國謚法未可凭

周書謚法解云不生信聖之訓其國曰聲蓋不足信

爲睿義亦同善令聖叔与聖姜茲文非假倩以此裨雅

說博按儻非病

齊景賜晏子邱殿鄙六十或謂卽都昌先爲丑父邑

齊本

乘此曰賸叔孫賸疑逢之別下述侯氏命錫邑三百室

其外邑又九加田進以律此獨兼都鄙古文猶可識

云侯氏易之邑二百又九十又九邑與之人民都鄙

侯氏者君也易即錫也此金文通例眾即邱字對者比

之異文說文比古文作林此略變耳錫之邑二百又九

十者二百九十戶也左傳衛獻公賜公孫免餘邑六十

辭曰惟卿備百邑百邑者謂十室之邑百也百邑則千

室左傳晉景公賞中行桓子狄臣千室論語所謂千室

之邑千室其田萬晦晦一鍾則祿萬鍾矣此大國之上

卿也餘則九百七百三百不等此云錫邑二百又九十

如以邑數則倍上卿三矣既無此制且一國之地得邑

幾何故知是以戶數也又九邑者又錫以十室之邑九

周禮司勛所謂加田也古者賜采地田與邑殊列卿田

至都鄙者謂全邑也祿萬鍾賦稟有定則邑乃出特賜置宰守宗祔用以旌

殊功歸老爲世及左傳公賜季友汶陽之田及費此田

成叔孫氏之郕臧氏之防鄭叔段之京晉欒氏之曲沃

趙氏之晉陽畢萬之魏衛孫氏之戚齊管氏之小穀皆

以功特賜邑爲世守置宗廟盡食其境自設私宰臣其
人民至戰國若田文之薛甘茂之樗里皆是也逢丑父
蓋以鞏之功賜邑于邱故盡有都意者逢丑父惠叔名
鄙後賜晏子者或其鄙之餘也
是易故云勞齊邦子孫食其績文有云惠叔有刻畫頗
曼患吾黨重葢闕寶書秦盡焚世本宋又絕徒復好古
心展玩三太息

潘紱庭丈以令子侍郎典試京兆賦紀 恩述懷

二詩索和卽次元韻奉呈二首

桃李長連玉樹榮

香山賀楊僕射致仕後楊侍郎門生
合宴詩可憐玉樹連桃李從古無如

此會

文章佳氣重持衡笑他神慶誇三戟行見春卿拜

五更祖德親承

天語獎

原唱有云祖庭清慎
人知兩度秋風玉尺持自聖

注先文恭戊辰
己亥兩主京兆

庭聞時勵素風清遙知珠履新昌第預

卜掄材致治平

愛吟紅藥

九重知內制絲綸一手持

文官內閣侍讀取久

牙笏

滿牀花下宴宮衣待漏月中詩卽今退傅坐開日何似

郎君谷隱時此事韋平那敢望孫曾徧繞萬年枝

原唱云怪

底老夫衰更甚門前桃李是孫枝然侍郎丙辰戊午壬戌三科門下門生已不少矣

題碩卿小像碩卿亦曰無子買妾未遂故末韵戲

及之

投分京華十四年鳳麟才調自翩翩師門衣鉢今誰嗣

謂崧甫宗伯師碩卿之世父也

祖武科名爾必傳

碩卿大父棟華先生嘉慶壬戌會狀夜

燭閒情三瓦笛秋風鄉夢五湖船相看一事同惆悵桃

葉江頭思渺然

吳清卿編修

大以

手繪古器圖識屬題卽送其視

學秦隴二首

當代論金石

潘伯寅

陳壽卿

古癖推翰林誰繼起吾子

擅清才餘藝兼圖繪高齋足鼎壘讀書期有用都趙等

輿儻

百二秦關啟山河接隴涼至尊方側席大帥已平羌
慨登車始文章致治長此邦多古蹟餘事及縑緇

秋日大風偕陳六舟謝麀伯陳逸山戶部張研秋

工部

兆鼎

出大通橋汎舟至三閘而回逸山繪玉

河秋泛圖以贈麀伯奉使山西屬予題詩

玉河之水西山來西湖太液相滌洄東會潞河設閘七

建瓴之勢如轟雷 神庾百億此津逮千夫轉運萬縉

費舟楫雖通不敢行徒供鷗鳬水中戲火雲三伏天熾

熾追涼逐隊驅城東綠沈西瓜玉乳酪輕車怒馬行如

風大通橋旁百肆集衝波萬道濺飛雪游入擲錢羣兒

爭出沒驚濤狎魚鼈我來正值秋深時沿河十里無酒

旗空舟三兩亂魚樛紅闌黯澹搖寒漪謝公休沐理游

屐陳子放生載魚出

六舟喜放生故妻至其地

粵東二客皆好奇我

亦茸衫挈蠻榼西風颯颯吹榆楊蒼茫烟靄遙天長前

朝廢寺惟秋草公主墳圍空夕陽

二開有明代廣惠寺已廢又有福壽公主

墓

回舟忽入蘆花際蕭騷大有江南意相憐方朔騎驢

人何日魚菱作家計夕風轉勁不得畱回車買醉天街

樓幸有畫圖長在眼明年相憶晉汾秋

重九後三日偕庭芷六舟逸山鄧獻之郎中

珠飲

城東夕照寺并餞臈伯督學山右酒畢同游萬

柳坐四首

又展重陽飲東郊策騎便路平知水近野曠得秋偏遠
樹因藏寺高城欲切天言尋磬聲去不覺入林烟

蹋葉山門裏蕭閒衲子家講臺依翠竹禪榻映寒花池
小泉聲閤林疏塔影斜取憐秋柳外夕照帶歸雅

昔日平津館風流取可傳愛才賢相業行樂盛朝年

花木憑誰記樓臺盡作田荒池留一曲曾與照華筵

畫篠明將發乘輶上太行河聲三晉壯日氣九邊黃地

險風猶古民貧學易荒澄清吾輩責話別莫雲蒼

京邸冬夜讀書四首

日入夜氣定皓月當窗隅
晷短課常紕難燭還讀書插
架雖無多擇經頗有餘
意專生默悟力猛忘前紆
隨時理舊業道一無岐趨
禮爲六執本名物尤根株
此事未剖析安足名爲儒
所苦乏記憶一密嫌百疏
深思始知艱博搜乃愈殊
亦或遇創獲孤怡慰積痛
閒復及百家流覽息我劬
有生秉孤尚誰能惑他塗

庭樹葉盡落上承月與霜
銀燭與相映內外通清光
茶鑪養餘火風簾敞虛廊
曠然無一物星斗在我旁
遂覺肺腑瑩清新發文章
嘯詠一俛仰天地相低昂
豈不患

飢餓明晨尙無糧此樂足予餉進修安其常霜厚宿鳥
噤吾亦夢禮生

街頭叫賣物果餌醅餕飧雜以乞兒呼月慘聲彌高驅
車忽雷動隱鱗一何驕上者走貴要次亦競酒肴苦樂
雖云別身心同其勞亦有就鐙火高視羣兒曹搖頭誦
帖括攘臂談風騷生歿橐龔誓吐納儕儻糟其間稍才
俊大言益囂囂碑攤漢魏字器列商周朝問以五經目
茫然墮雲霄人憐不自惡嗽名忘中枵荏冉歲華逝姓
氏吹枯蒿同有此夜月萬竅爭譁號閉門不相聞凍竹
風蕭蕭

昨日 中旨下率錢修離宮讀 詔私太息此舉宜從

容 聖人秉純孝不暇權始終長樂樓百尺積慶花
千重取足天下養承歡良無窮四海幸平壹物力猶未
充島夷怙羣醜鼯睡長安中誠宜法文景勵治威諸戎
安可舍禁鑰危照甘泉烽臺疏閒一上未得回 宸衷
賢傳造辟言 主德本至聰豈不念民瘼何難罷新豐
事關國根本連章期諸公亢官未食祿涕淚徒沾胸伏
闕詎可效艸奏誰爲通負此讀書力僅爭章句功漆室
夜深議四顧無予同

潘星齋丈以新刻小鷗波館詩補集見眎率題二
首

石湖松雪不同時風雅中吳有主持鄧尉梅花三百樹

一齊香入侍郎詩

老輩吳

王松程春海太守侍郎

接迹難桐城

姚伯昂總憲

婁縣

張詩船尚書

迭登壇誤他落第羅昭諫也作貞元朝士看

集中增詩惟吳程姚

張諸公子亦與其末

題黃岡鄧獻之詩集卽酬其見贈之作獻之以蒲

縣令改官入都者

黃州詩人晉陽吏十年宰縣乏生計苦吟每和蒲鞭聲
載酒時聯入山騎京官比屋無炊烟仰望守令如登仙
君獨胡爲解黃綬翻攜琴鶴棲寒瓊榻來示我好詩句
別有風懷託毫素衣上猶飛句注雲杖頭曾拂天池樹
君嘗攝甯武令著長安寥落無往還余亦經年常掩關
天池風葉等入詠

相約結鄰枕書臥還支手板看西山

時與君有同居之約

題布衣張殿民詩集

一飯尙艱難愁來把劍看文章貧後健天地布衣寬莫效唐衢哭誰憐范叔寒朱弦勤拂拭爲遇賞音彈

紱丈以雪後遣懷用予問疾箋中天教微疾養維

摩語賦絕句二章屬和卽依元韻卻呈

攝靜焚香侍翠蛾謝庭佳事近如何料知萬頃梅花海不及園林雪色多

琢罷珠璣一串詩烹茶煖酒事都宜多應已入吳中畫風帽紅闌倚杖時

讀史感事二首

瀛海空環大九州，覆碁全局幾時收。
河流東走魚龍壯，烽火西連鳥鼠秋。
臺築軒轅誰敢射，圖觴穆滿已難留。
被衣一睡渾閒事，便解鈞天萬古愁。

黜陟山中豈與聞，罪言諫草重紛紛。
將軍鐵券賒三宥，大賈金錢策異勳。
已爲免冠憎汲黯，徒傳請劍出朱雲。
洛陽痛哭終何益，輸與當年萬石君。

癸酉除夕偕同里張孝仲舍人

錫申

史寶卿同年

慈濟

寓齋守歲論學達旦，因再用東坡除夕寄

段屯田韻示二君

我讀佛氏書，論字分滿半。儒家反不識，伏獵貽笑歎。
文章學俳優，師友供狎玩。淫聲益侏離，大義日破散。
入耽

博奕戲出逐雞狗作置身或廟堂遇事同盍旦鈴尾聽
吏胥俛首刮几案謬種東一轍馴致釀大亂咎由昧六
書昏睡怠沃盥所以宣聖言正名豈容緩我老頗嗜學
孤陋乏講貫幸爲麻中蓬扶此達心懦竭澤慰羨魚伐
山恣取炭二君今舊雨歲寒適我館會計終年功煦嫗
一室煖試看廣長舌共鬥燭花粲

又疊前韻東呂庭芷編修陳木夫主事

我聞行百里九十止者半前者一失足後人輒嘲歎所
以涉世艱跬步不可玩志苦誘每甘神凝光易散獨寢
求魂恬孤行畏影伴殘膏方戀鐙旭日已戒旦嗟此桑
榆陰起坐不離案積瘁苦健忘處賤易拂亂所藉書味

醴時時相饋，盥舉世棄癡鈍。家人笑拘緩，呂安我舊友。
承明滯華貫，陳重厲風義。壁立氣不懦，同度金門歲。滿
貯楮盆炭，佛火分佳兒。庭芷挈其第，三郎居蕭寺。邨醪映孤館，木夫善飲。
寓雷陽館。不憂布衾寒，惟願大裘煖。相勸崇晚節，力作供薪
粢。

歲暮鄧獻之惠銀賦此東謝

廉泉一溢勸加餐，頓覺春生苜蓿盤。市上悲歌屠狗絕，
袖中冰雪藐姑寒。新交眞摯如君少，名士風流作吏難。
聞說晉陽迎竹馬，不容僵臥伴袁安。君已改官，郎中而晉中大吏檄君還任故云。

題燕子箋後二絕句 以下甲戌

防亂虛將一揭誇伎堂終日按紅牙可憐火迫成江令
一載南都玉樹花

變相重登黠將壇此才真似沒遮闌笑他浪子錢紅豆
同演明妃雉尾冠

題包棟爲秦宜亭畫杜蘭香小影二首

一謫人間幾歲年畫圖猶怯玉襦寒不知張碩何班品
也服黃麟絳羽冠

何事青童又卻回瀟湘清露落瓊瑰羸他乞相秦淮海
夸道明星枕上來

妻初授恭人 誥命卽以爲五十之壽戲寄以詩

二首

一封花誥下紅雲暫慰齋鹽半世勤削竹擬添新首飾

曳柴仍是舊襦裙五旬不媿稱邱嫂四品居然比郡君

唐制官四品者妻封郡君腸斷二親都未見虛銜天語待黃焚

遠典朝衫壽孟光黔婁垂老作貲郎豈真晚貴同翁子

且自齋居學太常搔背牛衣終歲少伸眉鸞鏡一時忙

待卿百艷僂觴日滿試花釵九樹妝

唐宋命婦一品釵釵皆九樹四品六

樹

伯寅侍郎仍直南書房以詩柬之

喜聞天語與春回壓袖黃柑錫宴歸內署名言思李

絳外廷公論屬錢微恩深階級何須較心戀承明月

暫違又看宮花攜滿手宣陽里第靄春暉

伯寅招集夕照寺爲萬柳堂補柳索賦長歌

廉公好客今所無笙歌十隊紅氍毹疎齋松雪踞上坐
當筵一曲千明珠劉姬雙手白於玉笑折荷花傾玉壺

盛事風流久消歇遺跡滄桑向誰說四百年後佳山興

種柳名堂後先埒

馮文毅萬柳堂實非廉野雲舊址嘉慶間山人朱野雲誤認爲一阮文達

遂題曰元萬柳堂

仁皇御宇滇海平詞科大舉羅羣英相

公翹材敷東閣城東驛騎紛將迎竹垞詞賦西河舌仰
陵樂府湛園筆吐茵唾地千萬言盧趙有知應失色庭
前萬樹堆綠烟柳花亂撲春酒船幾輩朱衣引騶唱兩
行紅燭門新篇平津老去珠履散佛火鐘魚一朝換幸
逃馬廐壞朱閤留得書樓映宸翰儀徵太傅重停車山

人補柳傳畫圖亭臺傾盡寺田驚東風一二搖纖株侍
郎退食命儔侶載酒招提共延之疏畦便插千萬枝頃
刻濃陰滿庭戶俯仰何勝興廢哀眼前無數菜花開荒
池水碧猶依舊更補新荷聽雨來

曉湖計偕入都留宿齋中二十餘日枉詩見贈奉

答二首

風濤萬里御征輪差喜天涯見故人升斗服官貧似舊
文章知己老逾真千秋豫訂名山業四海誰憂曲突薪
同是名場遲暮感羨君奉檄爲娛親

喜聞襖被款柴關二仲連朝共往還

謂牧莊寶卿兩君亦時過信宿久

客琴書成老伴閉門風雨似深山荒年蔬藪粗相勞別

後詩篇待細刪爲約同舟歸鏡曲從君北渚結三間

君有

廢園在宅南
頗具水竹

題王廉生扇頭李香君小影三首

粉本南朝絕可憐扇頭璧月尙嬋娟清流何與人間事

花下長翻燕子箋

今年廠市購得百子
山樵元刻燕子箋

傾城一笑太情多十斛明珠柰若何畢竟秀才空嫁與

輸他一品顧橫波

秋柳情深大道王掌中猶見舞時妝只憐曲裏桃花扇

唐突當年鄭妥娘

送施均甫同年

補華

落第後夏中赴隴謁左督相

二首

匹馬臨洮去，狼居正築臺。
關中天下險，幕府一時才。
戰伐今初定，風塵眼暫開。
受降城上月，遲爾一徘徊。
局促長安陌，惟堪語蒯綏。
文章非本意，科第待常流。
鞭影千山雨，河聲六月秋。
此行詩更健，邊調入涼州。

閩舊唐書偶成四絕句

愛寫道龍前進士，果然龍種屬文孫。
免遭僧舍郎君辱，自向球場奪狀元。

溫子八叉終落第，祖生兩韻已成名。
由來曳白登科慣，那得登樓盡放卿。

失笑當年王紹宗，家貧聊作寫經傭。
得錢便絕人間事，老爲蓮花累卻儂。

牆頭關節幾躊躇老作高人乞遂初
贏得千秋諸道士
銘旌夸寫贈尙書

送同年王元叔

麟書

出宰江西

今日仕宦無所樂惟有宰縣殊不惡
臺府供應雖苦繇
猶喜專城習民瘼上報天子偁循良
下潤妻孥免藜藿
王君文譽垂卅年食貧經亂餘寒羶白頭差幸得
一第不與臺閣爭華妍
江南西道浙鄰地受牒尙書往作吏
匡廬彭蠡天下奇手版徜徉足快意
槐花黃徧長安城紅荷十里環蓬瀛
分曹治具爲君餞吳兒勸酒彈金箏
閒來走馬章臺側燕子年年占花國
杜秋漸老歌舞稀欲把黃金買顏色
柳枝未折西風愁盧溝曉月辭

紅樓人生聚散自有定一鞭遙指長空秋此去西湖時
正好蓴葉大肥菱未老頗聞文字誇兒曹更博宮花嬌
蓬葆李生作牧蠻荒中嘉興李宗庚子長時陳子彈冠
歌楚風仁和陳豪藍洲以勉持清白相贈答毋令儒術
長終窮縣令赴補湖北

移寓保安寺街留別鐵門舊居二首

橫流誰是好家居到處牽船縱所如荷鍤隨時移樹石
束裝多半累圖書此身天地終何寄回首江湖夢亦虛
只冀登真能拔宅不煩雞犬與驅除

南北飄蓬已十遷

予自乙丑南旋西郭故居已燬於賊
凡兩遷柯山兩遷龍山三遷光相橋

一遷新河辛未入都初寓打
磨廠計十歲中十徙其居矣句留桑下又三年泓師頗

識瓊杯破

鐵門有兵馬司署及文昌歌院向傳居者不利予門對司署其鄰宅自歸安姚文僖居之後數十易主近年喬松年河督修葺之題門額曰千

鐵門限蓋欲爲久居識也然不兩年河督由倉場侍郎外授胡家玉左都繼之一年卽貶官同里如徐壽蘅侍郎馬恩溥閣學皆居此甫逾年徐丁憂馬出爲江蘇學政卽卒此皆智永虛誇鐵限穿偶有賓朋都簡寂小栽三年中事也

花竹漸便娟他時坊里誰編錄一畝幽居定我傳

秋夜讀書卽事

筆牀茶竈暫安居滿地秋花蟋蟀初殘月半庭梧影直

風窗銀燭照翻書

寄懷陶文冲

濬宣

兼示孫生熹孫

吾鄉文獻數陶氏有明及今五百年名臣儒學代燁映
不特科第誇蟬嫣近來才彥更秀出三君同歲情尤聯

謂仲彝少箕子纘三賢

君年最少共追逐副車一落遲飛鸞文章

不受俗眼媚意氣肯讓他人先發憤陳書互切礪上與
揚馬爭嫵妍學問愈進志愈猛所攻輒洞無中堅卽論
書法亦適美取骨兩魏參唐賢方今世事日麗雜偵倒
白黑迷方圓侏優戴面侮周孔嫫瘤帶蝮驕施媚聾蟲
自賞杳冥響糞蛆吸盡芳華鮮語言稍異動遭斥何怪
論事同寒蟬都門廣奏百部伎九衢車馬馳閭閻念奴
新聲久已絕崑侖樂器無人傳何來邊調雜西鄙音噍
氣促行踟躕四坐歡娛萬人醉和以亂攘兼絃時都中盛
尚山西柳子腔其聲急促而變演俗惡無一雅齟且色
有名萬人迷十三旦水上漂者蕩褻萬狀朝士無不惑
之我聞此曲輒憂歎得非哀靡尋師涓耳目之玩尙如

是深情古貌人誰憐君抱朱琴且高臥天風寥落無成
連東湖堰下富水竹僊山一抹修眉蜨烏衣羣從半未
仕共屬素業勤丹鉛對牀圖史映花樹揮手珠玉盈千
篇世家所重在文學小兒朱紫徒紛然城南孫郎我舊
侶盛年嗜古同精專姚江族望本相匹岡頭澤底長延
綵越中世家惟陶堰陶氏與餘姚燭湖孫氏名德最著
若山陰峽山之何後馬之周張淩之胡會稽道墟之
章蕭山長河之來以及新昌爲言感遇未足賦千秋殆
之呂餘姚之邵皆不及也

庶齊仔肩

謝文沖惠菊英佳茗

三千里外書頻寄水物山鮮乍滿前

時新拜惠食物

餐菊豫知

儲白石品茶應計乏清泉幾經陶令籬邊賞新試樵青

竹裏煎珍重清風相貺意近來詩句有誰憐

貧甚炊將不繼戲賦一律

已絕平原乞米書何論仁祖與胡奴笑聽林雀喧爭食
靜看茶烟淡繞廚陶令飢驅何所詣賈逵人事本來無
澆花埽葉生涯了一卷黃庭自據梧

寄懷董峴樵觀察秦州并答其書問二首

持節西征擁碧油上邽秦蜀此襟喉花門十部新編籍
麥積千屯仰唱籌畫戟香凝金帳夜戍笳寒報玉關秋
伊吾取次風煙靜充國頻煩足老謀

三載長安隔酒尊故人多半擁高軒誰從擊筑歌屠肆
月學彈箏候相門暨豔嫉邪終被黜劉蕡落第孰稱冤

清流睂目今誰是世事悠悠總莫論

涼秋月夜子縝邀聽歌者彈琴

涼宵初月妥花陰來聽虛堂一曲琴寂寂簾櫳通綺語
蕭蕭梧竹出清音朱弦三歎孤將絕翠袖雙寒感易深
到處華鐙歌管地誰從松柏結同心

送子縝南還二首

歛然聲價出江東力守經師兩漢風鄉國奇才如子少
天涯落魄幾人同猶遲待詔金門側君試中書被落近寄次景山教習
常共深談漆室中朝野忼然吾輩老憑誰上策定和戎

玉河秋色薊門烟翠黛離愁咽管絃羈旅中年難作別

文章孤唱更誰憐西風邨笛旗亭酒涼月夷花海國船
料得故園重九曾登高相憶有新篇

題張子中同年

行李

荷鋤帶經圖兼送其赴補淮

揚

吾友張稚讓博學精天文君家靈憲術造化窮烟燭維
淵與太素累代傳專門君今繼家法推步高疇人不喜
西學幻愈覺周髀尊伊昔歲在午同舉何份份黃君旣
老猶程生亦精勤同年中如餘姚黃蔚農丈極精算學
著測地志要交食捷算五緯捷算方
平儀象等書金華共闡九章祕觚綫論繽紛君識獨卓
程敬卿亦爲此學尔理晰祛詞煩長貧有餘力端居羅典墳竭來不得意
日下多風塵言就鹽筴吏遵彼淮海濱示我荷鋤卷歌

吟籬樹根道場好山色蒼翠彌郊原太湖三萬頃半繞
茗上邨悠然坐苔石讀書忘朝晷比來秋正好晴天無
片雲禾稼大就穫木葉晞微曛仰觀星曜動俯聽蟲鳥
喧此樂可終老散帶時忘言題詩三太息微祿甯救貧
箸述吾豈敢相期事田園

雨止行花樹間有會而作

秋陰釀微雲疎雨自然止庭柯尙敷榮階草半含藥晴
日忽滿簷鳥雀聲亦喜嬾嬾朱藤枝弱蔓漸能起梧柳
三兩株蔥翠各忘從吾生無競營流行盡天理萬物安
其常滋培貴能俟顧此一畝間可悟達生旨

得子纘通州見懷詩卻寄

別來未十日忽得幾行書白水通州次黃花九月初詩
成還憶獨天遠漸愁予知下津沽去時時覓鯉魚

董雲舫太守

麟

爲其祖霽堂翁追續撫邾肄書圖

翁精書法年七十餘尙時於邾上演波掠之勢

因以屬題

古人精一藝經營必慘澹所以事造極實飫非名噉古
籀旣代衰篆隸興以漸章草濫漢源法帖噓晉燄唐初
益講求爭工在戈點波磔本八分撇掠無取逮先生究
其敝指法剖侈斂畫被布悉穿臨池水盡黥貌此撫邾
圖淵乎思若儼近世務高論動欲二王掄變楷入篆形
倚悅迷視覽矣或詡北碑醜怪盛頤頤無傷晉賢雅徒

爲漢人玷君家守先芬捧硯有餘感玉麟賞可思野鷺
愛豈敢任彼薑芽徒蜉蝣肆譏貶

手栽菊花數盆比日盛開欣然成詠

自課山經罷循階數瓦盆餘暄耽晚景秋色在閒門偶
亦成高詠時還近酒尊看花常獨笑此意與誰論

紱庭丈辱和賞菊詩走筆成四絕句柬之

風流此老地行仙我亦桑榆近暮年安得五湖攜手去
詩情無限晚霞天

一年幾負看花約老圃商量到菊花爲埽青苔黃葉地
杖藜時過冷官家

蓉城久住秦淮海

謂宜老

蓬島新除宋侍郎

謂雪翁

猶喜兩

翁清似鵠白頭分占午橋莊

兼東星齋二丈

輕薄兒曹柰尔何老懷同調劇無多
沈秋已老秦青弱消遣年光一曲歌

題汪退谷先生書先六世祖天山府君鑑湖垂釣
圖記及退谷自作歌行後

達人蛻塵垢結情山水區我祖濟物懷平世鬱未舒
道高嬰衆忌學富成獨殊垂老得一第不曳時相裾
康熙盛朝彥文酒多怡娛每念釣游地久狎漁樵徒
三山陸賀宅選勝據鏡湖巖壑相錯峙長橋故繫紆
蒼翠莫名狀烟雲時有無孤嶼出湖面亭亭擢纖趺
清流四迴映列岫長睂敷歸隱終未遂遐襟傳畫圖
退谷老詩窈作

歌散憂虞下瀝今盡失寢邱荒未居緬維舊德永家風
異時趨湖桑棣上路常與輕舟俱會當謝簪紱言就先
人廬結亭繞梧柳垂竿隱菰蒲

題子縝墨蘭

采采幽香遠欲聞鄭公書帶與繽紛虛堂客去風來候
繞壁尋詩總爲君

王繼香仝

弟繼業子虞

男祖杰伯剛

校字